


SARUWAA



“Neeyyo saruwaa immiyaabaa hachchi nenakkonne eridaba gidarkkiishsha!
(Luuqqaasa 19:42).

Nuuni ha wodiyan alamiyaa gidдон haniyaabaa yuushshi aattidi xeelliyode saro alamiyaa gidдон bainnaagee nu ubbayyo qoncce. Ubba sohuwan waretai, shemppuwaa woriyoogee, olainne olaa odoi siyettes. Ai gaazeexaa ne dooyada nababikkonne nagaraappe, ixuwaapenne qanaatiyaape denddidaagan asai issoi issuwaa bollan oottiyo camobaa be7aasa. Alamiyan gita giyo asati daro laittaasappe doommidi saruwaa ehaana giidi baaxettiiddi gam77idosoona; shin etappe issoinne danddayibeenna. Saroi alamiyaa gidдон xayidoogaa xalla gidenna, daroppe azzanissiyaagee nuuppe darotu keettanka saroi baawa. Hegaappekka qassi aadhdhidi azzanissiyaagee ha wodiyan alamiyaa gidдон keehippe xoqqan qoodet-tiya shemppuwan saroi bainna asai de7iyooгаа. Hegee meto ubbayyo xaphoi de7iyooгаа.

SARUWAA AIBEE XAISSIDAI?

Doomettan Xoossai alamiyaa, maataa, ciishshaa mittaanne haattaa giddooninne biittaa bollan de7iya do7a ubbaa medhdhis. Xoossai qassi Addaamanne Hewaano medhdhis; he ubba meretaa gidдон saroi he wode de7es; Addaameenne Hewaana ai do7atussikka yayyokkona; qassi

do7atikka sarotettaanne ufaissan issippe de7oosona; dorssai gaammuwaara issippe hemettikkokka, gaammoi dorssaa qohenna. Ubbaappe aadhdiyagee qassi Xoossapenne asappe gidduwan saroi de7iyogaa; Xoossaikk sa7ai omariyo wode yiidi gannatiyaa gidдон hemetteesinne Addaameeranne Hewaaniira haasayes; etikka Xoossai banttana haasayisanu yaanagga laamotan naagoosonappe attin yashshiyaabi eta wozana gidдон aibinne de7enna.

Hegaappe guyyiyan saruwaassi morkke gidida Seexaanai shooshshan gelidi Addaameenne Hewaana nagaraa oottanadan balettis; aissi giikko, nagari de7iyo sohuwan saroi de7anau danddayenna. Wordduwaassi aawa gidida Seexaanai eti Xoossau azazettennan ixidi mooppite giido mittaa aifiyaa miikkokka haiqqennagaa etau odis. Ha wodiya gakkanaashshinkka daro asai xalahiyaa cenggurssaa ezggiyoogaadan Addaameenne Hewaana xalahiyan baletetidi Xoossaa bollan nagaraa oottidosona. He wode sohuwaarakka eti ufaittiiddi gam77ido saroi etappe haakki aggis; he eti issito oottido nagaran Xoossai medhdhido saroinne puulai ubbai bayyi aggis; hegaappe guyyiyan yashshai Addaamenne Hewaani wozanaa gelis.

He gallassi sa7ai omariyo wode kase ubbatoo haasayiyoogaadankka Xoossai etaara haasayana giidi yiyo wode eti yayyidi Xoossaappe qosettidosona. “Nagarai issi asa gaasuwan ha sa7aa yis; qassi he nagarai haiquwaa ekkidi yis” Harai atto shin hachchi ha sa7an de7iya nuuni ubbaikka nagaraa oottidanne Xoossaa atotettaappe haakki uttida. (Roome 5:12; 3:23). Issi nagarai hara nagarau kaalettes; ha wodiyan alame ubbai nagaraappe denddidaagan hargeesinne saruwaa xayı uttis.

XOSSAI ALAMIAAYO ZAARETTIDI SARUWAA EHAANAU KOYIS

Xoossai saluwaappe duge zaaridi xeellyio wode ixoi, yashshai, nagarai, kayyoi daridaagaa be7is; hegae gishshau ba gita siiquwan miizzaa dirssan yelettanaadan ba na7aa yeddis. Laittan laittan ubbatoo a yeletaa baalaa bonchchiyo wode nuuni hagaadan yaagiya kiitanchchaa qaalaa hassayos; “Yayyoppite! Taani asa ubbaa ufaissiyaa gita mishiraachchuwaa intteyyo odanau yaas; hachchi Dawute kataman inttena ashshiyaagee yelettis; ikka Kristtoosa, Godaa. Akeekennan he kiitanchchaara daro saluwaa kiitanchchati Xoossaa galatiiddi kiyidi beettidososna; ‘Salo ubbaappe bolla saluwan de7iya Xoossaassi bonchchoi gido; sa7an a ufaissiya asaassi saroi gido’ yaagiyaagaa (Luuqqaasa 1:79). Qassi Efsoona 2:14 hagaadan yaages; “Kristtoosi i ba huuphiyau nuuyyo saruwaa immis.” yaages. Xoossai saruwaa halaqaa ha sa7aa kiittis; he wode ha sa7an de7iya asai he saruwaa halaqaa ekkidaba gidıyaakko etau saroi gidana shin.

HE SARUWAA HE WODE ASAI WAATIDEE?

Addaameenne Hewaana oottidoogaadan Aihudatinne he wodiyan de7iya hara asati Xoossaassi azazettennan ixidi Seexaanaa zoriyaa kaallanau dooridosona; eti saruwaa halaqaa ixidosona; Philaaxoosi Yesuusanne Barbaana eta sintti shiishshin “Yesuusa digga! Nuuyyo Barbaana imma” yaagidi waassidosona. Hega giyoogee woigiyoogee giikko, “Saruwaa halaqaa xaissada nuuyyo ixuwaa, olaa, shemppuwaa woriyoogaanne nagaraa imma” giyoogaa. He asati ooninne eta wolqqanttenan bantta

dosidoogaa dooranau etau shenee de7es; shin hegaa gidinkka Barbbaana dooridosona.

Ha77i nuuni de7iyo ha wodeekka hegaa mala. Xoossai nuuyyo dooru-waa immis. Nuuni Yesuusa nuna ashshiyaagaanne kawo oottidi ekkanau danddayos; i nu de7uwaa giddo saruwaa ehaana. I hagaadan yaages; "Taani saruwaa inttenaara wottais; taani intteyyo ta saruwaa immais; taani sa7ai immiyo saruwaa malaa immikke; intte hirggoppitenne yayyoppite." (Yohaannisa 14:27). Nu garssan de7iya nagarai nuna Xoossaappe haassidi efis; nuuni nagarau aille gididi de7iyo wode nu garssan saroi de7enna; gido shin nuna baakko zaaridi ekkanau, ooraxissanau, Xoossa na7a kessanaunne saruwaa immanau Yesuusi ubba wode ba kushiyaa miccidi eqqidi naages.

Roome Maaxaafai 5:1 hagaadan yaages; "Hegaa gishshau nuuni ammanuwan xillidoogan nu Godaa Yesus Kristtoosa baggaara nuuyyo Xoossaara saroi de7es." Ha sa7aa bollan nuuyyo saroi immanau danddayiyaabi harabi aibinne baawa; miishshai, duretainne erettida asa gidiyoogee saruwaa immenna. Nu shemppuwan saruwaa demmanau issi oge xallai de7es; hegeekka Godaa Yesuusakko yiidi nu nagaraa paaxiyooagaanne appe aggidi simmiyoogaa. "Nuuni nu nagaraa Xoossau paaxikko, I nu nagaraa atto gaana; nu mooro ooso ubbaappekka nuna geeshshana; aissi giikko, I ba maachcha naagiyaagaanne tumubaa oottiyaagaa." (Koiro Yohaannisa 1:9). Yesuusi immiyo saroi asa erattaappe keehi aadhdhes. (Filphphisiyusa 4:7). I asi hagaa mala giidi odanau danddayiyoogaa gidenna. Shin nuuni nu nagaraappenne nagaraa ottanau kaalettiya laggetuppe aggidi Godaa Yesus Kristtoosakko simmidi a xallau goinnikko, he saruwaa nu de7uwan be7anau danddayos. Nuuni saroi bannan ha sa7an amarida wodiya de7anau danddayos; shin saruwaa demmennan nuna haiquwau aattidi immanau mullekka danddayokko. Aissi giiko, Xoossaa Kawotettai Geeshsha Ayyaanai immiyo xillotetta, saronne ufaissa gidiyooagaappe attin muussanne ushsha gidenna." (Roome 14:17). Hegaa gishshau nuuni haiqqiyo wode nu wozana giddon saroi de7ana xaikko, saroi kumido Xoossaa Kawotettaa nuuni gelennaagee erettidaagaa.

Nuuni saruwaa halaqaa nu de7uwaa giddo gelissennan ixixidi nagarau aille gidossara haiqqi aggikko, nuuni biyo issi soho xallai de7iyoogaa eranau besses; hegeekka merinaa gannabiyaa tamaa. Neeni ha77i ne di7iyo nagaraa ailletettan haiqqanau bessenna; aissi giikko, hegaa gidikko neeni merinau xayadasa. Xoossaa Qaalai hagaadan yaages; "Nagaranchchata xuuggiya tama cuwai merippe merinau bollau bollau kiyes" yaages. Hegee nagaranchchcai geliyo merinaa gannabiyaa. Nuuni ubbaikka nagarnchcha; xillo asi issoinne baawa. (Roome 3:10). Neeni saluwaa kawotettaa gelanau koyikko issiba xallaa oottanau besses; hegeekka Xoossaara saruwaa medhdhiyoogaanne Xoossaa saruwaa ne wozanaa gido gelissyioogaa." Hegaa gishshau Kristtoosi immiyo saroi nena kaaletto" (Qollasiyaasa 3:15).

A yeletaa baalaa bonchchiyo wode Yesuusi saruwaa ehaanau ha sa7aa yidoogaa hassayeettes; a dendduwaa baalaa bonchchiyo wode qassi asai a ixidoogaanne masqqalyian kaqqidi woridoogaa hassayeettes. Dosettida ta laggiyau, neenikka Godaa ixixidaageetuppe issuwaa gidanau koyyayye woi ne wozanaa dooyada a gelissanau koyyay. Neeni ne wozanaa giddo

Xoossaa saruwaa gelissanau danddayiyo issi oge xallai de7es; hegeekka ha77i a sinttan gulbbatada ne nagaraa paaxiyooqaanne nena geeshsh-sidi ba na7a kessanaadan oichchioyoogaa. Neeni nena keehippe lo7o asa gaada qoppikkokka neeyyo atotettaa koshshes; woikko neeni nena keehippe iita asa gaada qoppikkokka oonanne wora yeddenna Xoossai nena shiishshi ekkanu giigi uttis. Hagaappe kase baggan neeni Xoossaa saruwaa ne de7uwan be7a erennaba gidikko, ha77i ekka; yaatikko neeyyo hagua keena giidi odanau danddayenna gitanne bonchchettida ufaissai de7ana. (Koiro Pheexiroosa 1:8).

Issi Xoossaa Qaalai odettiyo sohuwan issi cima bitanee denddi eqqidi hagaadan yaagis; "Taani oiddu kawotu wodiyan de7as. Koiro kawuwaa haaruwan ubban olan de7ida; hegee camo wode. Naa77antto kawuwaa haaruwan koshan tuggatida; eceriyaa, maataa mittaa miida. Heezzantto kawuwan nu morkketi olidi nuna xoonin etau ashkkara gidida. Gido shin he heezzantto kawuwaa laittan hara Kawoi, gita Kawoi, lo77o Kawoi, sarotettaanne siiquwaa Kawoi nuna xomoosis; hegeekka saluwaa Godaa Yesuusa. I morkkiyaa xoonis; nu wozanaakka omooddis; hegaappe denddidaagan ha77i daro saruwan de7os; qassi gam77ennan aara issippe saluwan kawotanau de7iyo hidootan de7os" yaagis.

Dosettida ta laggiiyau, ne de7uwaa ha77i Yesuusau imma; ha77i ha saatiyan ne duge gannabiyau simmada woxxiyo wottaa agga; haa simma; simmada kawotu Kawuwaassinne godatu Godaassi goinna. Hegaa neeni oottiyo wode ne laggetuppe daroti neeppe shaahettanau danddayoosona. Gidikonne Yesuusi hagaadan yaagidoogaa hassaya; "Kristoosi immiyi saroi ne qofaa qashuwan ubban nena kaaletto" (Qollasiyaasa 3:15).

The popular "Heart Book" with its soul-saving message is obtainable in over 500 languages. Many have found salvation even just by looking at the pictures.

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)